



ODLUKA
*o formiranju Organizacionog odbora za pripremu i realizaciju
Programa obilježavanja Dana Grada Sarajeva u 2020. godini
(prijedlog)*

Sarajevo, decembar 2019. godine



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo”, broj 34/08) Gradsko vijeće Grada Sarajeva, na sjednici održanoj dana _____godine, donijelo je

(prijedlog)

ODLUKU
*o formiranju Organizacionog odbora za pripremu i realizaciju
Programa obilježavanja Dana Grada Sarajeva u 2020. godini*

Član 1.

Formira se Organizacioni odbor za pripremu i realizaciju Programa obilježavanja Dana Grada Sarajeva u 2020. godini koji čine članovi Kolegija Gradskog vijeća Grada Sarajeva, te Gradonačelnik i zamjenici Gradonačelnika.

Član 2.

Predsjedavajući Organizacionog odbora za pripremu i realizaciju Programa obilježavanja Dana Grada Sarajeva u 2020. godini je predsjedavajući Gradskog vijeća Grada Sarajeva.

Član 3.

Odbor iz prethodnog člana ove Odluke, na prvoj sjednici, donosi Poslovnik kojim se uređuje način rada, odnosno definišu obaveze članova Odbora.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02- /19
Datum: _____.____.2019. godine

OBRAZLOŽENJE

Pravni osnov za donošenje ove odluke je sadržan u odredbi člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08) kojom je propisano, između ostalog, da Gradsko vijeće donosi odluke, druge propise i opće akte i daje njihovo tumačenje, kao i u odredbi člana 2. i 3. Odluke o utvrđivanju i obilježavanju Dana Grada Sarajeva ("Službene novine Kantona Sarajevo", broj 7/06).

Razlog za donošenje

Shodno Odluci o utvrđivanju i obilježavanju Dana Grada Sarajeva ("Službene novine Kantona Sarajevo", broj 7/06), Dan Grada Sarajeva obilježava se, pored održavanja Svečane sjednice Gradskog vijeća, prezentiranjem građanima na prigodan način dostignuća Grada Sarajeva u prethodnom periodu, obilježavanjem događaja značajnih za Grad, dodjeljivanjem priznanja a sve u skladu s Programom obilježavanja Dana Grada Sarajeva koji donosi gradonačelnik Grada i predlaže Gradskom vijeću Odluku o davanju saglasnosti na Program obilježavanja Dana Grada Sarajeva koji Gradsko vijeće usvaja. S tim u vezi, Kolegij Gradskog vijeća je ocjenio potrebu formiranja tijela koje se predlaže, a kako bi se kontinuirano pratila realizacija Programa obilježavanja Dana Grada Sarajeva u 2020. godini.

Rješenja iz predložene odluke

Članom 1. Odluke se utvrđuje sastav Organizacionog odbora za pripremu i realizaciju Programa obilježavanja Dana Grada Sarajeva u 2020. godini.

Članom 2. se uređuje predsjedavanje Odborom.

Članom 3. se utvrđuje donošenje Poslovnika o radu Organizacionog odbora.

Članom 4. se određuje da Odluka stupa na snagu danom donošenja i da će se objaviti u "Službenim novinama Kantona Sarajevo".

Za realizaciju ove Odluke sredstva su planirana u Budžetu Grada Sarajeva.